

est evidentiora vestigia veterum monum-
 torum extitisse quam nunc exstant. *De votis*
 disputationem aliis relinquo; tantum hoc
 agit Colloquium, ne quis temere talia vota
 suscipiat. id esse verum, declarant hæc
 mea verba: *Præsertim cum domi haberem uxo-*
rem, integra adhuc ætate, liberos, & familiam qua
pendebat ex me, & opera mea quotidiana aleba-
tur: & cetera quæ sequuntur. De votis igitur
 susceptis nihil dicam, nisi quod si summus
 essem Pontifex, non admodum gravate
 relaxarem obstrictos. In suscipiendis,
 quemadmodum fateor fieri posse ut aliquis
 cum fructu pietatis eat Hierosolymam, ita
 non dubitarem, multis, ex rerum circum-
 stantiis, dare consilium ut eas impensas,
 tempus, & operam insumerent in alia
 quæ propius conducunt ad veram pietatem.
 Hæc arbitror esse pia: eoque considerata
 multorum vel levitate vel ignorantia, vel
 superstitione, visum est super ea re monere
 juventutem: neque video quos offendere
 debeat hæc admonitio, nisi forte quosdam
 istos, quibus carior est quæstus quam pie-
 tas. Nec illic damno *Pontificias Indulgentias,*
 aut diplomata; sed taxo nugacissimum nu-
 gatorem, qui ne cogitans quidem de cor-
 rigenda vita, totam spem collocarit in con-
 donationibus humanis. Hæc si quis mihi
 consideret, cuanta jactura pietatis nata sit
 inter mortales, partim ex eorum vitio qui
 prostituunt Pontificias Indulgentias, par-
 tim eorum culpa qui illas secus quam
 oportet & accipiunt, fatebitur operæ pretiū,
 juventutem super hac re commonitam es-
 se. Verum hoc modo parum consultum est